

Reglugerð AMÍ

1. grein

Aldursflokkameistaramót Íslands – AMÍ skal haldið árlega síðari hluta júnímánaðar.

2. grein

Mótið er haldið í 25 metra laug. Stjórn SSÍ ákveður fjölda keppnisdaga og tilkynnir skipulag mótsins og mótsstað með amk eins mánaðar fyrirvara. Þá daga sem mótið fer fram er óheimilt að stofna til annarar sundkeppni meðal sambandsaðila SSÍ.

3. grein

Lágmörk á Aldursflokkameistaramótið eru ákveðin af stjórn SSÍ. Lágmörk skulu gefin út í fyrir hvern árgang frá 11 ára til 18 ára. Stjórn SSÍ skal hafa tillögur þjálfaranefndar SSÍ og landsliðsþjálfara til hliðsjónar við þá ákvörðun.

Lið sem eiga færri keppendur á AMÍ en fjóra mega sækja um að bæta við keppendum óháð lágmörkum á AMÍ þó þannig að heildarfjöldi keppenda þeirra félaga verði ekki fleiri en fjórir. Þeir keppendur sem þannig fá keppnisrétt á AMÍ mega keppa í allt að þrem einstaklingsgreinum að eigin vali. Þeir keppendur á AMÍ sem ná lágmörkum í færri greinum en þrem mega á sama hátt velja sér greinar til viðbótar án lágmarka til að ná keppni í þremur einstaklingsgreinum. Umsóknir um ofangreint skulu berast amk 15 dögum áður en mót hefst.

Keppendur geta mest keppt í sínum aldursflokkum í 6 einstaklingsgreinum á mótinu auk boðsunda. Að auki getur sundfólk keppt í opnum 50 metra greinum án stiga.

4. grein

AMÍ er aldursflokkaskipt meistararamót í sundi þar sem keppt er beint til úrslita. Aldursflokkaskiptingin er eftirfarandi:

Sveinar og meyjur 12 ára og yngri

Drengir og telpur 13 til 14 ára

Piltar og stúlkur 15 til 17 ára

Karlar og konur 18 ára og eldri (taka ekki stig í félagakeppninni)

5. grein

Mótið er stigakeppni félaga. Tveir hröðustu sundmenn félags í hverri grein og aldursflokkum geta tekið stig fyrir félagið nema karlar og konur 18 ára og eldri taka ekki stig. Stig eru gefin miðað við sætaröð keppenda. Í boðsundum er keppt í aldursflokkum og stig gefin miðað við sætaröð boðsundssveita í lok greinar. Einungis ein boðsundssveit frá hverju félagi í hverri grein og aldursflokkum getur tekið stig og skal sú sveit merkt A-sveit. Stigin eru reiknuð á eftirfarandi hátt:

1. sæti 10 stig (boðsund 20 stig)
2. sæti 8 stig (boðsund 16 stig)
3. sæti 6 stig (boðsund 12 stig)
4. sæti 5 stig (boðsund 10 stig)
5. sæti 4 stig (boðsund 8 stig)
6. sæti 3 stig (boðsund 6 stig)
7. sæti 2 stig (boðsund 4 stig)
8. sæti 1 stig (boðsund 2 stig)

Þannig að 8 hröðustu sundmenn í grein og aldursflokkum eða 8 hröðustu boðsundssveitirnar í aldursflokkum fái stig. Stig fyrir boðsund er tvöföld miðað við einstaklingsgreinar.

Verði félög jöfn að stigum í heildarstigakeppni félaga skulu stig gefin fyrir boðsund ráða sæti félagana.

Verði félög þá ennþá jöfn að stigum skal hlutkesti ráða röð félaga.

6. grein

Á AMÍ skal veita verðlaun fyrir fyrsta til sjötta sæti í einstaklingskeppni miðað við aldursflokka sem taldir eru upp í fjórðu grein, en sá sem á besta tímum í greininni miðað við aldursflokk hlýtur sæmdartítilinn Aldursflokkameistari Íslands í þeirri grein. Í boðsundum skal veita verðlaun fyrir fyrsta til þriðja sæti í aldursflokkum.

Aldursflokkaverðlaun einstaklinga eru veitt þeim keppendum sem ná bestum samanlögðum árangri í tveimur stigahæstu greinum samkvæmt stigatöflu FINA, í flokki pilta og stúlkna. Í flokki drengja og telpna eru teknar þrjár stigahæstu greinarnar og í flokki sveina og meyja skal reikna árangur úr 200 m fjórsundi, 400 m skriðsundi ásamt stigahæstu grein þar fyrir utan. Þeir sem fá slík verðlaun hljóta sæmdarheitið Aldursflokkameistarar. Ekki eru veitt aldursflokkaverðlaun einstaklinga til þeirra sem eru 18 ára og eldri. Allir sem taka þátt í mótinu 12 ára og yngri fá sérstaka viðurkenningu fyrir þátttöku í mótinu.

7. grein

SSÍ ákveður greinaröðun og tilkynnir amk einum mánuði áður en mót hefst.

Miða skal við að eftirfarandi greinar séu í boði fyrir meðfylgjandi aldursflokka. Sundfólk syndir eingöngu í sínum aldursflokk í einstaklingsgreinum:

Sveinar og meyjar (12 ára og yngri)

50 metra flugsund, 100 metra baksund, 100 metra bringusund, 100 metra skriðsund, 200 metra fjórsund og 400 metra skriðsund.

Boðsund: 4x50 metra fjórsund, 4x50 metra skriðsund og 8x50 metra skriðsund blandað

Drengir og telpur (13 til 14 ára)

100 metra flugsund, 200 metra baksund, 200 metra bringusund, 200 metra skriðsund, 200 metra fjórsund og 800 metra skriðsund.

Boðsund: 4x100 metra fjórsund, 4x100 metra skriðsund og 8x50 metra skriðsund blandað

Piltar og stúlkur (15 til 17 ára)

200 metra flugsund, 200 metra baksund, 200 metra bringusund, 100 metra skriðsund, 400 metra fjórsund og 400 metra skriðsund

Boðsund: 4x100 metra fjórsund, 4x100 metra skriðsund og 8x50 metra skriðsund blandað

Karlar og konur (18 ára og eldri)

50 metra flugsund, 50 metra baksund, 50 metra bringusund, 50 metra skriðsund, 200 metra fjórsund og 200 metra skriðsund

Boðsund: 4x100 metra fjórsund, 4x100 metra skriðsund og 8x50 metra skriðsund blandað

Síðasta grein mótsins er 10x50 metra skriðsund blandað m/v eftirfarandi:

Í 10 x 50m blönduðu boðsundi má hvert lið hafa að hámarki tvo sundmann af hvoru kyni 15 ára eða eldri. Ekki eru settar takmarkanir á fjölda sundmanna úr öðrum aldursárgöngum. Félög sem ekki ná að setja saman blandaða boðsundssveit í þessari grein mega sameina krafta sína við önnur félög. Jafnt hlutfall kynja verður að vera í hverri sveit. 10x50 metra boðsund telur ekki til stiga fyrir félög á mótinu.

Í boðsundum má synda upp fyrir sig í aldursflokk í því tilskyldu að boðsundssveitir séu skipaðir tveimur einstaklingum úr réttum aldursflokk hið minnsta í flokkum 12 ára og yngri, 13 til 14 ára og 15 til 17 ára. 18 ára og eldri synda sem einn flokkur í boðsundum. Félögum er heimilt að hafa sundfólk í boðsundssveitum sem ekki hafa náð einstaklingslágmarkum á AMÍ, en það verður að uppfylla aldurstakmarkanir. Boðsundssveitum skal skipað á brautir miðað við stigastöðu félaga þegar kemur að boðsundsgreinum dagsins.

Keppni í öllum 50 metra greinum í karla og kvennaflokki eru opnar 13 ára og eldri að því tilskyldu að þau nái lágmarkum í greininni. Þessar greinar gefa ekki stig í keppni félaga.

8. grein

Þátttökurétt hefur allt sundfólk sem skráð er í íslensk sundfélög og hafa náð lágmarkum þeim sem um getur í 3. grein hér að ofan. Að auki eiga íslenskir ríkisborgarar búsettir erlendis skráðir í félög erlendis þátttökurétt á mótinu í samræmi við reglur ÍSÍ og SSÍ um keppnis- og þátttökurétt. Einnig getur SSÍ boðið erlendum félögum/sundmönnum til þátttöku í mótinu og skal þá gert ráð fyrir sérstökum verðlaunum fyrir erlent sundfólk. Erlend sundfélög geta ekki tekið þátt í stigakeppni félaga. Hver keppandi getur tekið þátt í 6 einstaklingsgreinum. Í boðsundi má synda upp fyrir sig í aldursflokk að því tilskyldu að boðsundssveitir séu skipaðar tveimur einstaklingum úr réttum aldursflokk hið minnsta (í átta manna sveit þurfa að vera amk 4 einstaklingar úr réttum aldursflokk og helmingur sveitar af hvoru kyni).

9. grein

Tækni- og starfsmannafundi skal halda samkvæmt gildandi reglum SSÍ á hverjum tíma.

Febrúar 2016